



Inatsisartuni ilaasortaq, Peter Olsen, Inuit Ataqatigiit  
/maani

**Sanaartukkanik nakkutilliisarneq pillugu § 37 naapertorlugu apeqquteqaammut  
2019-124-mut akissut**

11-03-2019  
Suliaq nr.: 2019 - 5706  
Id nr. 38845171

Asasara Peter

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
Fax: (+299) 34 63 56  
www.naalakkersuisut.gl

Inatsisartut suleriaasianni § 37 naapertorlugu Naalakkersuisunut apeqquteqaateqarputit. Apeqqutitit uannit akineqartussatut innersuunneqarput. Apeqqutitit matuma kinguliani ataasiakkaarlugit allanneqarput, akissummillu malitseqarlutik.

**1. Sanaartornerup iluani nakkutilliinerup aalakkaanngippallaarneranik sanasut oqariartuutaat Naalakkersuisut qanoq oqaseqarfigisinnaavaat?**

**AKISSUT:** Naalakkersuisut tamanna pillugu qinnuteqaammik inuussutissarsiutinik ingerlataqartuniit tigusaqarsimangillat. Sanaartorneq pillugu Inatsisartut inatsisaanni nr. 13, 26. maj 2010-meersumi (sanaartornermut inatsit) § 18, imm. 1 naapertorlugu kommuni sanaartukkanik sanaartornermut inatsimmi aalajangersakkanik malinnittoqarnerisq paasinialugit nakkutilliisussaavoq. Sanaartornermut inatsimmi piumasaqaatinik naammassinnittoqanngitsoq kommunimit paasineqarpat, kommunip pissutsit inatsisinik malinniffiulernissaat anguniartussaavaa, tak. sanaartornermut inatsimmi § 18, imm. 3. Sanaartornermut inatsimmi § 16, imm. 1 naapertorlugu illumik piginnittup illumi sanaartornermi inatsisit malinneqarnissaat akisussaaffigaa.

**2. Sanaartornerup iluani nakkutilliinerup aalaakkaanerulernissaa pitsaanerulersinnissaalu siunertaralugu Naalakkersuisut qanoq pilersaaruteqarpat?**

**AKISSUT:** Naalakkersuisut 2018-imi ukiakkut nuna tamakkerlugu kommunini sanaartukkanik suliaqartut suleqatigiiffissaannik pilersitsinissamik suliniuteqarput, taannalu tigulluarneqarpoq. Suleqatigiiffimmi piginnaaneqarfiit, ilisimasanik misilittakkanillu avitseqatigiinnerit kiisalu ulluinnarni suliasat suliarineqarnerini unammilligassaalersut pillugit suleqatigiinnerit ineriartortinneqarnissaannik qulakkeerinissaq siunertarineqarpoq. Siunissaq eqqarsaatigalugu suliniut kommunini sanaartukkat pillugit suliat nukittunerusumik pitsaanerusumillu ingerlanneqarnerannik inerneqarniartussaavoq.

**3. Sanaartornerup iluani nakkutilliinerup pitsaassusaa Naalakkersuisut qanoq nalilerpaat? Pitsaanerusinnaava? Imaluunniit pissussissamisut ingerlasutut Naalakkersuisut oqaatigisinnaavaat?**

**AKISSUT:** Naalakkersuisut isumaqarput, sanaartukkanik nakkutilliineq tunngaviummik peqqussutit malillugit ingerlanneqartoq. Kisiannili maluginiarneqartariaqarpoq, pisut ilaanni sanaartukkanik nakkutilliinerup pitsaassusiani unammillernartunik pilersaqarsinnaasoq, tamannalu sanaartukkat pitsaassusaasa nikerarnerinik kinguneqarsinnaasoq. Taamaattumik Naalakkersuisut

sanaartukkat ineriartorerinik pitsaassusiinillu siuarsaaniarlutik sanaartornermi oqartussaasut attaveqatigiiffiannik pilersitsinissamut suliniuteqarsimapput, aammattaaq apeqqut 2-mut akissut takuuk.

- a) **Pitsaanerulersinnaasutut isumaqarfigineqarpat; qanoq iliorluni aaqqiisoqassava?**

**AKISSUT:** Apeqqut nr. 2-mut akissut takuuk.

4. **Nakkutilliinermik akisussaaffiup arlaannaanulluunniit attuumassuteqanngitsumut tunniunneqarsinnaanera Naalakkersuisut qanoq isumaqarfigaat?**

**AKISSUT:** Sanaartornermut inatsit naapertorlugu sanaartornermut oqartussaasut najukkani inuiaqatigiinni suliassaat kommuninit isumagineqarput, taakkunungaluaq ilaapput allaffissornermi nakkutilliinermilu suliassat. Kisiannili sanaartornermut inatsimmi kommunit suliassanik taamaattunik allanut tunniussisinnaanissamut periarfissinneqanngillat.

- a) **Suna pitsaaqutaassava aporfussavaluunniit akisussaaffik arlaannaanulluunniit attuumassuteqanngitsumut tunniukkaanni?**

**AKISSUT:** Oqaatigineqareersutut inatsimmi sanaartornermut oqartussaasut suliassaataannik kommunit allanut tunniussisinnaanissaat periarfissinneqanngilaq.

Inussiarnersumik inuulluaqqusillunga



Karl Frederik Danielsen